



Arubaanse Courant

Anja 26.

DIASABRA 6 JUNI 1964

No. 5051.

COMERCIO NA ARUBA INTRANKIL EN CUANTO DELIBERACIONNAN DI AVIACION NA HULANDA

ALBERDA SUPLICA PA NO SACAR PERDIDA DI K. L. M. FOR DI ARUBA VIA DI T. C. A.

ORANJESTAD, 6 juni. - Intranquil tocante di e rumornan cu si kiera tin plannan pa durante di e deliberacionnan di aviacion cual den un di e dianan aki lo cuminsa na Hulanda, tuma e decision pa obliga Trans Caribbean Airways pa hisa su prijsnan pa vuelonan entre San Juan y Aruba na e mes un nivel cu esun di KLM y Panam, ayera un delegacion for di circulonnan comercial di Aruba a tene un deliberacion tocante di e situacion aki den e Coffee Shop nobo, Chi Koe Cha den Nassaustraat. A worde dicidi pa manda telegramnan pa senyor Alberda di KLM, diputado Tromp, premier Hulandes y presidentenan di Eerste en Tweede Kamer. For di informacionan cu nos a ricibi parse cu e tekstonan di e telegramnan cual a worde manda, y cu no por a worde duna pa publicacion ainda, ta algo basta pikante. Alavez a worde dicidi tambe pa si ta necesario, manda un propio delegacion, ariba propio gasto pa Den Haag.

E reunion manera bisa a worde asisti pa un gran cantidad di comerciantenan prominente di Aruba. Entre esakinan tabata senyor C.H. Whitfield (comerciante y presidente di Camara di Comercio di Aruba), Adriaan Arends (comerciante y presidente di organizacion di comercio y industria) Michael S. Kuiperi (hefe di oficina di turismo), Arturo M. Arends (comerciante y vice-presidente di Camara di Comercio), D. Leonard (general manager di Aruba Trading Company) Morris Serphos (comerciante di hopi intencion y un interes extenso), Th. Blok (manager Spritzer & Fuhrmann), Leo Kuiperi (vice-director di Aruba Trading Company), S. Kan (Di Firma Kan) J.H. Ponson (manager di Aruba Peasant Shop), Leo Berlinski (propietario di dos negoshi di Joyas na Aruba) D.J. de Wit (director di De Wit Stores) R.J. Fijtje (manager di Winco) Isio Gottfried (miembro di directiva di Halme Gottfried) L. Pick (propietario di La Moda y La Moderna), senjora Pat Arends di

(Aruba Gift Store) y senjora Sarah Walfenzao (agencianan). Despues di e reunion e grupo aki a forma e siguiente comunicado:

Diabierna atardi dia cinco di juni a tuma lugar na Oranjestad un reunion informal na unda asisti un gran cantidad di comerciantenan prominente di Aruba, bao di auspicio di Camara di Comercio na Aruba y Organizacion di Comercio y Industria.

E motibo di e deliberacion aki tabata e inquietud serio cual na e momento ta reina den circulo di bida comercial na Aruba tocante di informacionan cual a worde hanja tocante di e deliberacionnan tocante di aviacion cual lo worde teni na Hulanda den un forma di reinado, y na unda ta participa entre otro ministro president di Antillas, S.E. senyor E. Jonckheer, ministro di Trafico y Transportacion S.E. senyor F.F.L. Beaujon diputado di desaroyo economico di Aruba senyor F.J. Tromp y otronan mas

Cu razon of sin razon ta existi e impresion cu na e cooperacion for di banda di gobierno Hulandes pa restablecimiento di un compania di aviacion Antillano e condicion lo worde haci cu e tarifanan actual di Trans Caribbean Airways pa e vuelo entre Aruba y San Juan, P. Rico lo worde hisa for di treinta y cinco dollar pa un retour bao di tarifa di excursion, te cu minimo ochenta dollar pa tarifa di retour bao excursion.

Den circulonnan di bida comercial nan ta di opinion, cu si worde dicidi pa haci tal cos, danjo cu no por worde recupera lo worde haci na turismo, bida comercial y economia di Aruba en general, como cu segun nan opinion un gran parti di e aumetacion di turismo cu ta tumando lugar ta di gradici na e tarifa barata. E hisamento di e tarifa e ora pues alavez lo causa cu un gran parti di e exito cual tabatin caba lo bai perdi, como cu Aruba e ora no por tene competencia efectivo cu e otro islanan pa

FATUM

Pa tur bo aseguronan
Tel. 1845.

urismo, manera Virgin Islands, Jamaica, Trinidad y otronan.

Durante di e deliberacionan informal otro blaha e echo a worde menciona, cu algun anjanan pasa e tempo director di e empresa di West Indie pa K.L.M. durante di e deliberacionan cu representantenan di e bida comercial na Aruba a bisa, cu "K.L.M. no ta casa cu Aruba", cual palabranan a causa un disgusto hopi grandi e tempo y cua a worde cualifica como symptomatico pa e relacion di K.L.M. pa desaroya turismo na Aruba. Pues awor cu parse e exhibencia en cuestion cu e tarifa di T.C.A. di Puerto Rico v.v. a hanja un rol pisa na e deliberacionan actual, ta reina e opinion den circulonnan comercial, cu K.L.M. te ainda tin e opinion cual a worde mena aki riba.

Y pesel unaniki a worde dicidi pa telegraficamente muestra apoyo na e representante Arubiano den e delegacion, diputado Tromp, y pa den e tarea dificil aki mustré cu e tin apoyo, y pa haci un suplica, tambe telegraficamente na minister-presidente di gobierno di reinado, S.E. senyor Marijnen, alavez presidente di segunda Camara Hulandes, mr. F.F.F.M.T. van Thiel, y presidente du promer Camara Hulandes, prof. mr. J. Joakman e ultimo dosnan como miembronan di e parlamento di reinado. Na senyor Alberda, presidente director di K.L.M. na Den Haag, tambe un telegram a worde manda, den cual e inquietud serio den circulo comercial na Aruba ta worde menciona. Pues a worde reconocen den e telegram cu K.L.

HUMA UN CIGARIA
VERDADERO
HUMA UN
CAMEL



FAVORITO DI ARUBA

M. den e ultimo anjanan tabatin contratiempnan financiero cutabata grandi. Pero den e telegram aki ta worde duna como speranza cu KLM lo no trata di saca e cientos di millones for di e comunidad di Aruba. E representantenan alavez a dicidi cu si ta necesario manda un delegacion ariba nan gasto pa Hulanda, pa fortifica e punto di bista di Aruba.

En general a worde duna como speranza, cu e medidanan cu lo worde tuma lo duna resultado nan positivo".

Pues esaki segun e comunicado di un delegacion preocupada di circulonnan comercial di Aruba.

Entre tanto no ta conoci ainda si un delegacion di e grupo aki lo bai Hulanda y si ta asina: kendenan lo hanja un puesto den esaki y ki tempo nan lo sali. Naturalmente cu e oportunidad grandi pa esaki ta pa senjornan Whitfield y Arends, como presidente di e dos organisacionan di mas importante di bida comercial na Aruba, kendenan eventualmente lo haci e biaha.

DUNA "ARUBA NOSTRA" BO CONFIANZA PERO NO MENOS BO YUDANZA!

Stichting Aruba Nostra.

COMPANIANAN DI AVIACION PA ARUBA TA CAMBIA SERVICIO

ORANJESTAD, 6 juni. - Tur e tres companianan di aviacion cu ta bula pa Aruba, esta K.L.M., PANAM y T.C.A. a participa cu lo bin cambianan den nan servicionan. Cu orgullo pues awor KLM ta participa cu entrante dia promer di juli vendero nan lo tin e coneccion mas rapido entre Amsterdam y Antillas. E mes un dia Pan American Airways ta cuminsa cu un coneccion di jet San Juan-Aruba (via Curacao). Trans Caribbean Airways entrante dia 23 di e luna aki lo haci su salidanan cu jet for di Aruba mas favorable.

KLM a logra pa realisa un vuelo masha rapido entre Amsterdam y Antillas door di haci e tempo di cambio di avion na New York mas cortico. E coneccion rapido aki despues di promer di juli vendero lo worde haci cu e jet DC-8 cual ta bula dialuna, diabierna y diadomingo pa un'or di atardi ora Hulandes for di Schiphol. E avion aki ta yega New York pa un cuarto pasa di cuatro ora di New York. Ariba dialuna, diarazon y diabierna ta cambia di avion na New York y ta sigui vuelo pa Antillas den un Convair Jet 880. Cual pa banda di un cuarto pasa di cinco'or di atardi ora di New York ta sali pa Antillas, pa yega na Corsow un cuarto pa nuebe di anochi. For di aki tin coneccion cu un Convair 340 pa Aruba. Cual avion ta sali 20 pasa di nuebe for di Corsow y ta yega Aruba cinco pa diez di anochi. Diadomingo e coneccionan lo ta na favor di Aruba.

E ora di vuelo for di New York ta worde haci cu e Convair Jet 880 cual tambe ta sali pa un cuarto pasa di cinco di atardi ora di New York for di Kennedy Airport y ta yega na aeropuerto di Aruba binti minuut pa nuebe ora local. Segun senyor S. Newton, representante di KLM na Aruba a sigura nos, na e momento aki esaki ta e coneccion di mas rapido cu tin entre Amsterdam y Antillas. KLM a haci esaki pa trece e territorio di Caribe mas cerca di Europa y vice versa. E duracion di vuelo di KLM di Schiphol pa Aruba entrante cuminsamento di otro luna lo ta ariba dialuna, diarazon y diabierna unicamente diezcuatro ora y binticinco minuut, ariba diadomingo unicamente diez tres ora y diez minuut.

PANAM
Pan American Airways entrante dia promer di juli lo cambia

Delegasion Antillano di aviasion na Hulanda

SCHIPHOL, 6 juni. - Cu un delegacion expande di aviacion a llega Schiphol e prome minister di Antillas senyor Jonckheer via New York, pa delibera den e siman vendero na Den Haag atrobe tocante lantamentu di un propio compania Antillano di aviacion y tambe tocante e situacion general di aviacion den territorio Caribe. Na un conferencia di prensa sinta banda dje secretario Ulandes di estado di trafico y Waterstaat, senyor Keyzer, - senyor Jonckheer a laga sa na su llegada, cu e ta den un posicion dificil.

Di un banda Antillas kier marenene KLM den territorio Caribe di otro banda e promer minister no kier corre cu e companianan di charter di exterior, cu contra tarivanan masha abao ta trece fol Merca y principalmente fol Porto Rico toeristanan pa Corsow y Aruba.

Pero sin embargo te companianan di charter aki tesnan cu ta danja mercado pa KLM y otro companianan di IATA.

Pero apesar di esaki ta dificil pa competi contra companianan di charter, segun e prome minister, pasobra esakinan ta buia contra tarivanan super/thrift, y esakinan ta mas abao.

E pasaheronan tambe ta hanja menos servicio y ta sinta sin embargo mas riba otro, pero pa Antillas y specialmente pa Aruba toeristanan ta un keston di bida. No por otro manera pasobra nos tin mester dje companianan di charter aki. E prome minister a papia intensionalmente tocante un keston di bida pa aclara, cu Antillas no tin idea di interveni. Si nan por haci esaki, door di por ehempel uni ne permitnan di aeriacion condisionan di tarifa o door di no admitti e companianan mencionan aki mas na Antillas.

Pero esaki lo kita un fuente grandi di entrada di toeristanan

foi Antillas. Y mei mei di tur esaki tin tambe e deseo ardiente dje promer minister pa lanta un propio compania cu lo carga e nomber di ALM. Ya nos a jega ne deliberacionan, prome cu e gobierno Ulandes na algun acuerdo, segun el a declara.

HOPÍ ACCIDENTE NA A.C.I.

BARCADERA, 6 juni. - Den e ultimo numero di e edicion di e compania Aruba Chemical Industries a worde publica ariba e promer pagina un carta abierta di e tempo ey manager M.E. FISK na tur e empleadonan. Den esaki ta worde anuncia e hecho, cu den e empresa aki den e promer cuatro lunanan di e anja aki a tuma lugar no menos cu treinta y tres accidente di trabao cual temporalmente a causa perdida di ora di trabao. Senyor Fisk ta muestra e empleadonan pa continuamente ta conciente di e peligernan cual por worde causa den fabricacion grandi y tur medidanan tin di worde tumapahaci e risiconan aki minimo. E echo cu na e momento aki e empresa tin tres cien y trinti nuebe empleado den servicio, treinta y tres accidente di trabao den cuatro luna ta un cifra halto. Si sigui asina anto ta yega cien pa anja, lo cual ta nifica cu den tres anja tur empleado un biaha tabata victima di un accidente di trabao.

Tres dia sera pa bendedo catoochi

ORANJESTAD, 6 juni. - E hoben A.T.W. di tanki Leendert, kende na luna di maart a bende ioteria probebi, mas mihor conoci bao di e nomber di catoochi a hanja un castigo cu

su vuelo number 235. Mientras cu anteriormente e jet aki tabata bula for di New York pa Aruba via Curacao, a worde dicidi cu entrante e fecha ya menciona esaki lo bula for di Curacao pa Caracas. Pa sin embargo sigui bula ariba Aruba a dicidi pa na e mes un tempo cambia e ruta di vuelo number 297, cual tabata for di New York pa Corsow via San Juan, awor e vuelo lo sigui te na Aruba. E avion aki lo yega tur diarazon anochi pa diez'or y binti, despues di a sali banda di cuat'or di N.Y. for di aeropuerto Kennedy.

E avion aki lo keda anochi na Aruba pa e sigulente mainta siet'or y mei bula back via Corsow y San Juan. Yegada na New York lo ta dos'or y binti di atardi.

T.C.A.

En coneccion cu e echo, cu te awor aki jetnan di Trans Caribbean Airways a sali hopi laat for di Aruba, door di cual hopi biaha tabata dificil pa yega na ora na San Juan pa e coneccion cu New York, T.C.A. a dicidi pa cambia su vuelonan completamente.

Na promer lugar e vuelo di diabierna a worde pasa pa diahuebs.

Entrante dia 25 di e luna aki e avionnan di San Juan lo yega pa banda di dos'or, y lo bolbe sali un cuarto pa tres. E ora na ta yega un cuarto pa cinco na Puerto Rico, y ta sali for di aya un cuarto pa seis di atardi.

Yegada na New York ta anochi nuebe'or ora di New York. E jetnan continuamente lo sali nuebe'or di mainta for di New York pa via San Juan sigui nan vuelo pa Aruba.

kizas e no a spera. Mustrando cu awor mester yega un fin na e bendedo di catoochi, esta loteria prohibi, oficer di husticia a dicidi cu ta castigo di prison tin di duna contra di e violadornan aki di ley. Te awor aki majoria a hanja un castigo di placa of prison condicional. Pero cu segun officierya mester ta mas conoci cu catoochi ta prohibi pa worde hunga el a dicidi di duna castigo di prison sin condicion. Asina ta cu e hoben A.T.W. di 24 anja durante di tres dia lo bai sinta tras di trali na Dakota pa e bendedo di loteria prohibi. Ariba pregunta di huez kiko e tin bisa acusado a contesta mi no tabatin trabao y te ainda mi no tin trabao y sin embargo mi tin di busca mi manera di biba.

Binti cinco corredor di auto burachi

ORANJESTAD, 6 juni. - No menos cu binti cinco persona a presenta diahuebs mainta dilanti huez pa e delito di a corre auto, mientras cu nan tabata bao di influencia di alcohol.

Di e binti cinco personanan aki binti cuatro a worde sentencia mientras cu di uno so e caso a worde suspendi pa otro dia.

En total e binti cuatro corredornan aki di auto burachi a hanja un castigo di rijbewijs kita pa binti siete anja y diez un luna, castigo di prison total diez siete siman, boet total di Fl. 1665,- cuatro siman di rijbewijs kita alavez cuatro siman di prison condicionalmente y seis luna rijbewijs kita condicionalmente.

E castigo di mas pisa tabata dos luna sera y rijbewijs kita pa dos anja, esaki pa motibo cu e persona en cuestion a corre auto burachi mientras cu su rijbewijs tabata kita.

Manera custumbra majoria di

TUR COS MESTER BAI KAPMENTO DI PRIJS TA SIGUI!

TUR DIA MERCANCIA NOBO TA WORDE TRECE NA STOCK!

UN SURTIDO GRANDI DI ARTICULOS PA BABY. TAMBE BUNITA TELA PA CORTINA Y BISTIR. CAMISA PA CABALLEROS, CARSON Y CAMISA PA MUCHA DI SCHOOL ETC. ETC.

MANSUR TRADING

bao direccion NOBO
Nassastraat / skina Oranjestraat - O'stad tel. 1120

P.C. HARTING, ARTS - NOORD

ta tene consulta limitá

Dialuna 8 di juni di 8-9.30 'or ora di consulta pa patientnan di gobierno.

Tur otro patientnan (particular y ziekteregeling) ta worde suplica pa haci un afspraak serca e assistente of door di jama 1522.



dunele un....

Camera Kodak INSTAMATIC



diferente model y den varios prijs

NEME

Columbustraat - O'Stad



INIGUALABLE.....
„RED (sweet)
BIANCO (white sweet)
AND DRY,,

E cas ta biniendo cla, y ta duna un bunita bista.....



gracias na e staf di tecnicoan cu ta duna bo tur informacion pa planea bo cas, renovacion of reconstruccion na un prijs masha razonable.

PETRONA & CROES

e acusadonan ta busca moda di scapa nan culpa door di bini cu storianan tristo, cuenta cu nanta casa, tin yiu chikito pa cria etc. y cu nan mester di nan rijbewijs pa haci nan trabao.

Pero diahuebs mainta huez parse ya a hanja cu el a tende e storianan aki mucho y a duna como contesta cu acusadonan mester tene cuenta cu tal cos, promer cu nan dreña tras di stuurwiel di un auto burachi y corre cu esaki. En otro palabra na lugar di tene cuenta cu familia etc. ora cu bo hanja bo sentencia, tene cuenta cu esaki promer cu bo comete e delito.

MASSA ARESTACION NA SUR COREA

SEOEL, 6 juni - Mas o menos ocho mil estudiante a demostra den e principal ciudadnan Coreano, segun calculo cuater te cincuenta a worde arresta. Ayera estado di sitio a worde proclamada den e capital Sur Coreano, Seoel. Segun un noticia cu a worde censura trupanen Sur Coreano a tuma posicionnan den e ciudad algun ora despues di proclamacion di estado di sitio den e capital.

Na Kwangjoe polis a worde domina pa cuater mil estudiante di dos universidad y alumnonan di escuelanan secundario, cu tabata exigi pa president Sjoen Hie Park retira.

Parce cu un cantidad considerable di polis y estudiante a worde herida. Den e ciudad litora, insjon tabatin un bringamentu entre mil alumno y polis, cual a causa cu binti persona a worde herida.

Polis na Tokio a aresta tres

estudiante Hapones durante un demostracion dilanti di e mision Koreano contra "Operacion In-husta" di estudiantenan na Korea.

Segun anuncia di fuente fidedigno a ser haci na Seoel tres cien arrestacion en relacion cu demostracionnan estudianti dje ultimo dianan. Ta trata akina principalmente di profesor, maestro periodistanan y politiconan. E periodistanan un 25, ta ser acusa di a expande noticianan tendensioso.

Kim Tsjong Pil, president dje partido di gobierno y consehero politico mas importante di president Park Tsjoeng, a entrega su retiro. E president a acepta esaki, probablemente cu e intencion pa baha e accion dje estudiantenan. Esakinan specialmente contra Tsjong Pil, e homber cu kier restablecimentu di relacionnan diplomatico entre Hapon y Corea del Sur, contractual e estudiantenan ta.

Un anja di prison pa hortamentu na Astoria

ORANJESTAD, 6 juni. - Pamento di hortamento na hotel restaurant Astoria na San Nicolas ariba e anochi di seis pa siete di mei e hoben W.P. di binti seis anja mester a presenta dilanti huez J. van Koot pa tratamiento di su caso, ariba e anochi menciona parse acusado cu un tal A.W. conhunto a dreña e lugar menciona y a bai cu placa y un gran cantidad di disco.

Acusado kende anteriormente tabata traha na e lugar caminda el a bai horta, pero na e momento di e hortamento tabata un di e hopinan cu ta camna sin trabao na Aruba, a tende officier S.H. Tjong diabierna mainta exihi un castigo di un anja di prison contra di dje pa e caso aki.

Segun acusado ta A.W. a cuminsa cu e plan pa bai horta na e hotel restaurant. Nan a papia hopi tocante di esaki y ariba e fecha menciona nan a dicidi di haci nan trabao di ladron.

Via e dak di e edificio nan a dreña paden caminda nan hanja e kanto di e lugar habri. Tambe e caha di placa tabata habri. For di eyden nan a saca e placa hinke den un sako. Despues nan a pasa un cashi pafor pa habri esaki. E companjero A.W. a cuminsa forza e porta cu un screwdriver cu e tabatin. Pero cierto momento nan a tende desorden y W.B. a bolbe subi dak pa controla si tur cos tabata safe ainda. Ariba dak el a tuma un gran can-

tidade di disco for di A.W. pero ariba e mes un dak tambe di un manera of otro e acusado a laga in bria cu e tabatin bisti. Esaki abata un di e pruebanan concreto contra dje. Ora cu nan a sali nan a tende un hende grita polis y nan a basha carreda, cada uno den un otro direccion. Algun cos cu W.B. tabatin den su man el a benta un banda. Despues ora cu e tabatana sucas el a tende un hende fluit y a resulta cu ta A.W. kende a bin buske pa nan parti e placa. Nan a parti esaki y B. a hanja mas o menos ochenta florin. Segun huez no ta promer biaha cu acusado ta presenta dilanti husticia pa tal delito. Officier den su pidimento fiscal a mustra esaki mas cia ainda y a mustra cu desde su diez cuatro anja W.B. a cuminsa cu hortamento. Diferente biaha el a hanja oportunidad pa drecha su vida, pero no a haci uso di esaki.

Officier a exihi un anja di prison cuminsando desde 15 di mei Huez a priminti di duna sentencia despues di dos siman.

Lider terrorista aresta na Brazil

RIO DE JANEIRO, 6 Juni. - E trupanen di seguridad na Brazil a aresta Francisco Juliao, lider di "Peasant League" guerrillero nan den Noord Brazil. Asina a worde participa oficialmente. Su organisacion di guerrillero nan bon arma ta worde considera como un amenaza serio di e territorio aki, unda e ta terrorisa campesinonan.

Argentina ta gana Brazil cu 3-0


SAO PAULO, 6 Juni. - Argentina ayera den e torneo di 4 pais cu ta ser tene actualmente na Sao Paulo na Brazil, a gana dje campeon mundial Brazil cu 3-0. Na have-time wega tabata 1-0. 60 Mil fanatico, cu na fin dje wega a grita desaprobando asina wega di nan favorita a mira con e rechtsbuiten di Argentina Onega despues di mei ora a habri e score. E linksbuiten di Argentina Messiano a keda herida despues di 20 minuut di wega. El a keda e reemplaza pa Teich, cu den e di dos parti a score dos biaha pa Argentina. E di tres score a calne ultimo minuut di wega. E linksbuiten e wega di inauguracion dje torneo, caminda Brazil a gana di Inglaterra cu cinco uno, nopor a

RESULTADO DI E GRANDIOSO CONCURSO DI ARUBA CANDLE



Diarazon 3 di juni, pa 5'or di atardi, e feliz ganadornan di e grandioso concurso di ARUBA CANDLE, na nomber di su prestigioso producto S U P E R P I N E , a ricibi nan televisornan "SANYO". SR. DAVID LUE, di Oriental Grocery San Nicolas tabatin un total di 3.600 punto. SRA. CLARA LATTIG di Zeewijk 81, tabatin 2510 punto, y SR. FRANCISCO TAVERAS empleado di Ortiz & Gonzales tabatin un total di 2.660 punto.

Ariba e portret aki nos ta mira momento cu director di ARUBA CANDLE, sr. Maximo Saladin Junior, ta haci entrega di e regalacion na e feliz ganadornan. Di robes pa drechi: Sr. Th. Lattig, esposo di e ganadora sra. Clara Lattig (den centro), sr. Maximo Saladin y sr. David Lue. E otro ganador sr. Taveras no tabata presente na e momento aki pa ricibi su premio. Tur e participantenan den e grandioso concurso aki, tabata unanime di acuerdo cu no tin otro desinfectante mas adecuado pa nan, cu S U P E R P I N E , producto di A R U B A C A N D L E . - Fergusonstraat 68 A - Tel. 1958.




CUMPRE LIBBY'S

E salmao di LIBBY'S ta worde empaquetá pa conserva su sabor delicado y su smaak natural, delicioso cualkier ora di dia.

Salmao di LIBBY'S por worde sirbi como salada, riba sandwich y na balchi.

LABAMENTO DI PANJA SIN DOLOR DI CABEZ



TELMAR

gracias na yudanza di REDDY!

Comision Europeo ta preocupa

BRUSSEL, 6 Juni. - E comision di e comunidad economico Europeo a pone e seis paisnan di e comunidad na altura di su gran preocupacion tocante e desicion tuma ayera na Brussel tocante suspensio di e desicion tocante aplicacion mutual di e prijsnan di trigo te cu 15 december awor. Segun e comision e suspensio aki ta contra e obligacionnan cu e con-

seho a compromete su mes diferente blaha ne. E comision ta constata awor nao a worde duna ningun seguridad of hasta promesa, cu e termino di descincio di december lo worde considera mas cu na blahanan anterior. E retardo aki lo haci mas dificil pa tuma un desicion, asina e comision ta bisa den un carta na ministernan di exterior di e seis paisnan di EEG E comision di EEG, ta prepara mas ataque door di pronostica cu e negociacionnan Kennedy door di e suspensio aki ta worde trece en peliger y ta adverti cu henter e politica agriculatural di e comunidad ta worde menasa pa e suspensio. Despues di declara cu e ta sumamente preocupa pa e situacion e comision ta dicidi na pidi e gobiernonan energeticamente pa cambia nan punto di bista di manera cuprome cu yacacion di verano por tene undeliberacion aprobe di e conseho di ministernan.

Guayana Ingles

GEORGETOWN, 5 juni. - E asamblea legislativo na Guyana Britanico a acepta un mocion pa proclama estado di sitio te cu 4 di september proximo. E president dje congreso popular nacional, un di partidonan di oposicion Forbes Burnham, durante e debate a haci varios proposicion pa finalisacion dje incidentenan rasial.

El a recomenda tambe formacion di un gobierno di cooperacion nacional. Di otro fuente servicionnan di polis a anuncia cu li persona entre kende tres polis Indio, a keda sorpresa ora cu nan tabata traha na produccion di bomnan Molotov Cocktail y cu un patrulla Britanico a descubri un deposito importante di arma y municion.

ARUBA A TUMA DESPEDIDA DI FAMILIA KERSTENS



Foto 1. Durante di despedida diamars atardi den Trocadero Senjor N. Figaroa, hefe di Departamento di registracion di Bestuurskantoor, a entrega senjor Kerstens un regalo na nomber di e ambtenaar. Un cheque cu un cifra considerable.

Foto 2. E interes na Trocadero tabata grandi. Ariba e portret aki nos ta mira di robes pa drechi, hefe di servicio di Sanidad dokter O. Bijl, (patras di dje, medio cara), e hefe di Financia R. van Hoorn, hefe di servicio veterinario dokter E. van der Kuip y huez. B. Wannenburg.

Foto 3. Secretario bayendo, senjor Kerstens (centro) den conversacion cu dr. Joh. Hartog (robes) bibliotecario, y jurista di gobierno mr. H. Schrage.

Foto 4. Kerstens duna palabrita di gradicimento na Trocadero. Foto 5. Senjorita Lici Camachon a entrega senjor Kerstens florinan.

Foto 6. Durante di e despedida di Eilandsraad diarazon merdia senjornan J. Erasmus (PPA), A. Werleman (UNA), y D. Tromp (AVP) a trece e regalo adilanti pa senjor Kerstens. Un regalo di raad.

Foto 7. E bunita mesa di kwih, e regalo di despedida di e miembro di Eilandsraad na senjor y senjora Kerstens.

Foto 8. Sr. L.C.M. Kerstens y senjora admirando e regalo cual nan a caba di ricibi for di eilandsraad di Aruba. Diarazon atardi ultimo. UN mesa di kwih, cu mapa di Aruba pinta ariba. Esaki na ocasion di despedida di senjor Kerstens como secretario di teritorio insular.



1934 -- 1964 WEST INDIA MERCANTILE CO OF ARUBA LTD.



*aña na Aruba
aña di servicio*


ocasion di nos 30 aniversario - ta ofrece na e publico
siguiente oferta sensacional pa durante un luna:



ta regala na comprador di **UN NEVERA MODELO TB-322Y,**



TWO DOOR 12
REFRIGERATOR-FREEZER



- Automatic Defrost Refrigerator!
- Zero-Degree Freezer!
- Only 28" Wide!
- Slide-Out Shelves!
- Porcelain Vegetable Drawer!

12 cu. ft. Net Volume

Ask about our easy payment terms

**UN PRECIOSO DINNERSET
DI 54 PIEZA**

*Ademas ...
Fls 100.-
di regalo*



CASH

CREDITO

PRIJS FLS 850.-
REGALO DI ANIVERSARIO FLS 100.-
FLS 750.-
10% descuento 75.-
FLS 675.-

PRIJS FLS 850.-
REGALO DI ANIVERSARIO FLS 100.-
FLS 750.-

Probecha di e bunita gesto aki di **WIMCO** na
su bon clientela cu durante 30 ana a muestra nan confianza
den e servicio y calidad cu a worde ofreci:

Oranjestad
Tel. 2958 (extension 10 linia)



San Nicolas
Tel 5162

TREKKINGSLIJST VAN DE LANDSLOTERIJ N.A.

12de Trekking

Donderdag 4 Juni 1964

Table with multiple columns containing lottery numbers and their respective prize amounts, categorized by drawing type (Eenheden, Tien, Honderd, Eenzondig, Twee, Drie, Vier, Vijf, Zes, Zeven, Acht, Negens, Tien, Elf, Twaalf, Dertien, Veertien, Vijftien, Zestien, Zeventien, Achttien, Negenentwintig, Dertig).

AGENDA

ARUBAANSE COURANT

diariamente cu excepcion di diadomingo
 subscripcion f. 3.25 pa luna edicion los 20 ct.
 edita pa:
N.V. ARUBAANSE DRUKKERIJ
 - en UITGEVERS - en PUBLI-CITEITS MIJ.
 Imprimi na:
N.V. DRUKKERIJ
 "DE STAD"
 Telefoon 1116 Directiva y redacion, 2116 Anuncio y subscripcion.
 Directeur hoofdredacteur:
D. Wolff.

POR CUMPRAR ARUBAANSE COURANT NA E SIGUENTE LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad: Botica Aruba Tel. 1080-1081
 San Nicolas: Botica San Lucas Tel. 5119.

DOKTERNAN NA WARDA

Noord Dr. A. Jansens
 San Nicolas-Sta Cruz-Sav. Dr. H.R. Demert.

CINE

De Veer: 8.30 p.m. "Taras Bulba" 14 j
 Rialto: 8.00 p.m. "Operation Bikini" 18 j
 Principal: 8.00 p.m. "The Universe By Night" 18 j
 Aurora: 7.30 p.m. "55 Days at Peking" all
 Savaneta: 8.00 p.m. "PT 109" all

Diadomingo
 De Veer: 6.00 p.m. "PT 109" all
 8.30 p.m. "Taras Bulba" 14 j
 Rialto: 5.30 p.m. "Captain Sindbad" all
 8.00 p.m. "Operation Bikini" 18 j
 Principal: 6.00 p.m. "Asi Era Mi Madre" all
 8.00 p.m. "The War Lover" 18 j
 Aurora: 5.00 p.m. "The Secret Of Monte Cristo" all
 7.30 p.m. "55 Days at Peking" all

Savaneta: 6.30 p.m. "Don Daredevil Rides Again" all
 8.00 p.m. "West Side Story" 14 j

TELEARUBA

5.30 Flash Gordon
 6.00 Public Service
 6.45 Papiamento Newscast Live & Filmnews
 7.30 Top Cat
 7.45 Papiamento Sportnews
 8.15 Hazel
 8.45 Tight Rope
 9.00 English Newscast Live & Filmnews
 10.00 Fight of the week
 10.30 Star & Story

diadomingo
 5.30
 5.30 Serials
 6.00 Sword of Freedom
 6.30 Living Word
 6.45 Papiamento Newscast Live & Filmnews
 7.30 Bat Masterson
 7.45 Big Playback

8.15 Our Miss Brooks
 8.45 Local Talent-Live
 9.00 English Newscast Live & Filmnews
 10.00 Empire
 10.30 The Whistler

RADIO CARACAS TELEVISION

8.45 Senderos de luz
 9.00 T.V. educativa
 10.30 Diálogo y cultura
 11.00 Federación de ganaderos
 11.30 Programa hípico
 12.00 Show de Renny
 13.15 Weekend con las estrellas
 13.45 C.T.V.
 14.15 Museo de Bellas Artes
 14.30 Media hora con Chelique
 15.00 Bowling

16.00 Farándola musical
 16.30 Documentales
 17.00 Cómicas del antaño
 17.30 Luis en el canal
 18.00 Ganale al reloj
 18.30 Papa lo sabe todo
 19.00 Alcon negro
 19.30 Detectives
 20.00 Suspensio
 21.00 Vida y destino
 21.15 El gran teatro
 22.15 Boris Karloff
 23.15 Noticias Panam

diadomingo
 9.00 Buscando un nombre
 9.30 Viviendo con Riley
 10.00 Roy Rogers
 10.30 El Circo
 11.30 El capitán Marte
 12.00 Sir Francis Drake
 12.30 El show de Dandy
 13.00 Torneo Hípico

18.00 Jefatura 87
 19.00 Hong Kong
 20.00 La hora N
 21.00 Show de Renny

RADIO VICTORIA

A.M.
 6.00 Peticiones
 6.15 E Bijbel Habri
 6.30 Ultimas Noticias
 6.45 Ecos Del Cielo
 7.15 Bo Musica Favorito
 7.45 Delicados Pastos
 8.00 La Hora Bautista
 8.30 Ultimas Noticias
 8.45 Musica Di Banda
 9.00 Noticias Español
 9.15 Cristo Para Las Naciones
 9.30 Morning Melodies
 10.00 World News
 10.10 The Bible For You
 10.15 Hour Of Decision
 10.45 Sacred Classics
 11.00 Chapel Of The Air
 11.15 Canticanan Di Evangelio
 11.30 Melodias Di Merdia PM
 12.00 Ultimas Noticias
 12.15 Musica Sagrada Y Meditacion

12.24 Thought For The Day
 12.30 World News
 12.45 Quiet Time

1.00 Radio Concert Hall
 2.00 World Of Life
 2.45 Radio Revival
 3.15 World News Headlines
 3.20 Ensueños Musicales
 3.45 Musica Di Banda
 4.00 Cafe Con Musica
 4.15 Ultimas Noticias
 4.30 E Ora Adventurosa
 4.45 Noticias Español
 5.00 Hubentud Pa Cristo
 5.15 Palabranan Di Bida
 5.30 Baptist Hour
 6.00 World News
 6.15 Issues In The News
 6.45 Showers Of Blessing
 7.00 Look Up And Beyond
 7.15 Off The Record
 7.30 Back To The Bible
 8.00 Musical Gems
 8.30 Nederlands Nieuws
 8.45 Windows On Holland
 9.00 Klassieke Muziek
 10.00 Sign Off

Diadomingo
 A.M.
 7.00 Morning Melodies
 7.15 Radio Bible Class
 7.45 Grace And Truth
 8.00 Message For The Hour
 8.30 The Lutheran Hour
 9.00 Christus Tot De Volkeren Der Aarde Gebracht
 9.15 Voor Zijn Glorie
 9.30 Palabranan Di Bida
 9.45 Cafe Con Musica
 10.00 Luz Y Verdad
 10.30 Ecos Del Cielo
 11.00 La Hora Nazarena
 11.15 Melodias Del Alma
 11.30 La Voz Del Evangelio
 11.45 Musica Sagrada

P.M.
 12.15 La Hora Del Templo
 12.30 Melodias Di Merdia
 1.00 Iglesia Di Aire
 1.45 Bo Programa
 2.15 Hubentud Pa Cristo

2.30 Desencadenado
 3.00 Ensueños Musicales
 3.30 Adelante Juventud
 4.0 Temple Time
 4.30 Hour Of Decision
 5.00 Radio Concert Hall
 6.00 Old Fashioned Revival Hour
 6.30 Songs Of Zion
 6.45 Quiet Time
 7.00 Haven Of Rest
 7.30 Evening Melodies
 8.30 Songs In The Night
 9.00 Sign Off

CUMPLEANJOS

Awe dia 6 di Juni ta cumpli anja Mercedes Holsman, felicitacion ta bini di su mama Miika Hoefnagel, mama di Crianza Victoria Wijkce, abuelo FRITS Hoefnagel, amigitanan di 3de klas, especialmente di su madrina Blanca - Margarita na Corsow.

Sr E. De Lannoy a gradua na Ulanda

ORANJESTAD, 5 juni. - For di Hulanda ayera noticia a worde ricibi cu senjor Egbert De Lannoy, yiu homber di senjor y senjora J.E. De Lannoy di Ma-



ta di calidad mas mihó, cu cual-ke otro marca. E banda di rodamiento cu cuerda di 100% di nylon ta permiti bo corre hopi mas kilometros. E ta sumamente elegante. Tirenán "Cordovan" ta di bon calidad y fabrica di equiponan original mericano.
JOHN MANSUR
AUTOPARTS
 L.G. Smith Blvd.
 tel. 3094.

ria Christina Straat na Oranjestad, a gradua na Hulanda pa maestro di school. Egbert De Lannoy ta ex-alumno di C.P. Boerschool y na Hulanda a hanja su diploma di MULO promer cu su diploma di maestro. E lo keda un anja mas na Hulanda pa hanja su hoofdakte. Su majornan pronto lo felicite personalmente cu su exito como cu awe nan ta sali pa Hulanda cu verlof.

bishita

Bata

pa un regalo

pa papa

★ **PANTOFFEL**
BUNITA Y FUERTE

★ **SANDALIA**
COMODO Y DURABLE

y manera semper, mehor calidad
na prijsnan mas abao.

Nassastraat 76.
Tel. 3346.
Oranjestad - Aruba

Tortura di un amor

NOVELA

No. 20.

Un cifra di seis number!" Increibel e Conde ta keda mira e suma. Asina tanta e no a pasa na Andrea su number. Y a demas nota e mesun banco a minda el a habrie cuenta. "Esaki ta nifica hopi?" Cubofon el a keda mira e carapalido di e Conde. "Parce cu e imazen di oro a worde bendi na un bon prijs." "Bo no tin prueba di esey, Hulia!" "Perotoch descubri un otro cos. Bo Andrea ta contra abiertamente cu bo primo den ciudad, mayoor Elmer. Pa esey tambe bo por haya un splicacion, no ta berdad?" E ultimo palabranan a ofende e Conde. Hulia a ripara esey claramente. E sokete ey. Ultimo tempo e no tavata worry cu mi. Djes pa viadie mihé ey. "Ta bon Hulia. Lo mi investiga e asunto!" E Conde a bay na e porta, decidido manera semper. "Mi ta kere, cu algo asina no ta necesario." Hulia su contesta a hacié para keto. Asombra el a

drey miré:" Abo ta haya anto, cu mi mester laga nan hortami na un manera falso?" "Falta solamente un anja mas, y nos lo deshaci di dje. Bo mes no a bisa, cu ta dificil pa proba e hortamento? Lagué haci loke e kier cu e placa hortá. Despues cu e bay di akinan, tur cos lo drecha trobe." "Bo ta masha generosa!" Conde Nico a keda mira Hulia cu atencion. "Nico", di repente su voz a bira suave, y e ta keda miré: "Bo mes no ta sinti cu ultima mente nos a separa hopi di otro? Dia cu bo a bini, tabata henteramente otro. No ta posibel, pa bira mascos cu antes?" El a pone su cara serca di Nico, pero e Conde ta hala tras. "Laga nos keda manera ta awor, Hulia. Bo sa, cu e hendenan tin nos na bista cu su pia. "Y bo primo ta haya necesario pa spiona nos". Su lipnan ta aserca esnand e Conde. "Ki dia nos por bolbe pensa riba

nos dos so, Nico?" "Nos no mester papia di esey awor, Hulia". El a pushé bruto un banda. "Nos huespednan ta sperando ribanos. Laga nos ban." El a habri e porta. "O, semper bo ta hala tras". Cu un cara serio el a siguié. "Pero mi dushi Condesa Hulia, di con bo por a laga nos warda tanto riba bo presencia tan agradabel?" Galantemente dokter Hauser a bay contré y tabata contento cu e por a tene su estribo. "Hulia encantadora!" Emocioná e dokter ta keda mira e dama aki, kende mesora ta worde rondona pa un grupo di jinete. "No ser idiota, Nico! Nos no mester di hibé cu nos. Te unda cu mi conocé, e no ta aprecié tampoco." "Bo mes no abisa, cu e ta kere cu e ta Condesa Elmer?" "Si, esey si, pero pa comporta bo mes como tai, no ta facil. Te awor, tin solamente un persona cu ta actua como tai, y esey ta ami!" "Masha bon Hulia, pero e hendenan sa, cu mi ta casá. Hopi dinan ta spera di mira e Condesa nobo". "Coy loco. Otro anja na e tempo aki, lo no ta aki mas, y kiko lo bo bay conta e hendenan?" Hulia ta trata di convencé. Pero Nico ta sacudi su cabez. "No Hulia esey no por. Con bo ta kere, cu Sr. Brit y otro hendenan di nos circulo lo bay reacciona ora cu ami cu bo so, bay na e concierto ey? Imposibel, bo mester tuma pa perde." Awor si Hulia su rabia a

expiota. Cu rabia el a hala su sienta patras. "Ya mi no sa mas, kiko mi mester pensa di bo Nico! Ya bo no ta e homber di antes, kende mi tabata admira." "Asina, bo tabata apresia y admira mi antes?" "Si!" Cu rabia el a grité y a keda miré duro den su cara. "Awe si mi por bisabo: mi a sufrí hopi durante bo ausencia. Promé ora cu bo a bay di repente." cu berguenza el a hala su cara otro banda y a sigui papia. "e ora numi a realiza cu mi a kies net esun ru man robes." Despues di e palabranan aki, tur dos a keda keto den e kamber. Pa promé biaha atrobe Hulia a bolbe poné recorda pasado. "Nico", el a bisapocopoco, y el a hala serca di dje. "Pakiko bo no a bisa nada?" Su rosea ta haci Nico sinti debil, pasobra e ta asina serca di dje. Pero toche Conde ta hala un banda. "No Hulia", el a bisa bruto. "Esaki no ta e momento adecuado." Epalabranan aki a haci Hulia danjo. Cu trabou Hulia por retene su rabia y el a bisa: "Escohe entre ami cuné Nico! Dia cu abo hinké den sociedad como Condesa di Elmer, to mi no representa e familia aki mas". Sin spera un contesta el a sali di e kamber. Pero Conde Nico no ta e homber cu ta hala tras door di amenazan. Y ta pesey Hulia a weyta cu ta mihor si e lubida su palabranan. Mas bunita cu nunca, Hulia ta bisti cu un bunita bisti

di nochi, ciá pa bay honora e concierto den e ciudad cu su presencia. "Bo ta clá, Nico?" Su cabez ta bunita penja y tin un bunita brillante den. Joyas preciosos y di valor ta lombra na sugargantay su brazanan. "Un momento Hulia. Mi ta bay mira unda Andrea ta." Cu rabia el a keda mira e Conde, y ta zapatia cu pia cu rabia. E Conde a bati na porta di e kamber di su senjora y ta drenta despues cu e no a ricibi contesta. Asombra el a keda mira Andrea. E tapara dianti su spiel yta weyta por ultimo bez con su apariencia ta. "Ya ta ora caba?" Eno a ricibi contesta. E Conde a keda keto di admiracion, di mira con bunita Andrea ta bisti. Asina bunita y limpi Andrea ta, cu e mester wanta hopi es fuerzo pa e no cohé primi den su braza. E nopor a sospecha cu Andrea por ta asina bunita. Hulia tambe ta bunita, pero na un otro manera; Peligroso manera nochi scur. Pero Andrea ta claridad di mainta. E ta pared jiu mihé di un rey di cuende di hadas. E tambe tin bunita joyas di oro bisti. "Ban", e Conde a bisa bruto, mientras el a xumfinza cana. Con por ta posibel, cu e mihé encantadora aki por ta un labrona? Den su pensamentonan e ta cana mihé di e dos diferente damasanan aki. E ta sigui....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.



Horoscopo personal

ARIES-21 di maart - 20 di april-No laga personanan di poco escrupulo sorprendebo. Pidi y obtene informenan prome cu bo compromete bo mes.

TAURO-21 di april - 21 di mei Un mente clara y equilibra por ta capas di soluciona un situacion raro cu ta afecta miembronan di bo famia.

GEMINIS-22 di mei - 21 di juni- No laganan cohe bo cabes abao e dia aki. Conoce bo mente y sigil firme den bo conviccioanan.

CANCER-22 di juni-23 di juli - Bo historia personal quizas lo haci mas impresion cu bo historia profesional.

LEO-24 di juli - 23 di augustus-No descuida e detallenan comercial importante pa e compromisonan social.

VIRGO-24 di augustus-23 di september - Evita criterionan impulsivo encuanto persona o situacionnan e dia aki. No laga aparencianan gañabo.

LIBRA-24 di september - 23 di october - Ora bo ta cu temperamento na lugar di intelecto, hasi bo decisionnan riba un base di consecucionnan emocional pa otro persona.

ESCORPION-24 di october - 22 di november - E dia aki ta pa mira y kere. Realisa un investigacion prome cu inverti bo placa.

SAGITARIO-23 di november -22 di december -No pone cu intranquilidad lo ponebo perde bo planan. Converte bo cas den e centro di bo actividadnan.

CAPRICORNIO-23 di december - 20 di januari - Examina tur e o fertanan pa bo mira cu si nan ta bon. Si nan ta aceptable, actua rapidamente.

ACUARIO-21 di januari - 19 di februari - Lo ta mihor si bo ta esceptico te ora cu bo cerciora bo mes di cu tur e cosnan cu nan a bisabo ta berdad.

PISCIS-20 di februari - 20 di maart - Sali cu bo famia y amigunan pa cunucu y disfruta di un atardi encantador.

Ley nobo na Hulanda

DEN HAAG, 5 juni. - Tweede Kamer awe a acepta dos proyecto di ley caminda penshonnan, segun e ley di penshon 1940-45 y segun e penshon pa nabegante nan y victimanan di guerra lo wordu aumenta temporalmente.

Condennacion pa malttrato di mucha

VERSAILLE, 5 juni. - Un corte di justicia na Versaille na Francia a condena mayornan adoptiva di un mucha muher di dos anja, cu a muri dos anja pasa pa nan maltrato pa trabao forzoso eterno.

E fiscal a exigui pena di morto. E mucha muher Odile A Kadda, ta wordu cuida pa su mayornan adoptiva contra un recompensa di mas o menos 120 florin pa luna. E mucha varios biaha ta ser mara den bodega cu mannan riba lomba, caminda e mester drumi riba sacu di batata. E mayornan adoptiva ta obliga e mucha di cana recht door di mara su mannan na su cabel. E muher ta bati e mucha mal bati mientras cu su casa ta tene e mucha. El a declara cu e mucha no ta OBEDECE. E homber a admiti, cu el a haci semper loke su casa a bisele. E mucha a muri na 1961 na infeccion di pulmon y evenementu di sanger.

CISCO KID

NESBITTS den varios sabor, e refresconan mas pidi y mas gusta na Aruba.

ARUBA BOTTLING COMPANY






BUCHI ROBEZ

E mihor adres pa snacks, tur clase di dushi, sordrinks, ice-cream y revistas.

PIET'S SODA FOUNTAIN

Tel. 2123



PEPITA

E mihor adres pa VERF, KWASHI, TUR FERMENT, ARTICULOS SANITARIO.

ANTILLIAN HARDWARE CO.

pa cortesia di:



DICK TRACY

na unida bo ta hanja piezanan di auto, garantisa pa nan calidad.

JOHN MANSUR AUTOPART'S

L.G. Smith Blvd. (Calleba di La Esperanza) tel. 3094.

